

Peqqinnissamut Aqutsisoqarfik paasissutissiivoq

# Ilinnut coronavirus- imik nutaamik tunillatsissimasumut

Uani quppersagaaqqami apeqqutigisinnaasavit ilaanut akissutissat ataatsimut katersorsimavagut, coronavirus-imik nutaamik tunillatsissimaguit.

Imminut mattusimaninni qanoq pissusilersussanerlutit, tunillatsissimaninnik kikkut oqaluttuutissanerlugit assigisaallu pillugit annertunerusumik atuarit.

12.08.2020



# Coronavirus/COVID 19 pillugit paasissutissat pingaarutillit

**Coronavirus-imik nutaamik tunillatsikkaanni nappaat  
COVID-19 taaguutilik ineriartortinneqartarpoq.**

## Tuniluunneq



Tuniluunneq pinaveersaartinniarlugu pingaaruteqarpoq coronavirus nutaaq qanoq tuniluuttarnersoq paasisallugu.

**Attuanninnikkut tuniluunneq:** Suolluunnit attuuasassat virusillit attuanerisigut, tamatumalu kingorna qingamik, isinik imaluunniit qanermik passutaarinninnikkut. Attuanninnikkut tunillatsinnissaq millisinnegassaaq assannik eqqiluutsitsinikkut aamma eqqiarnikkut.

**Kuseriarnikkut tunillaassuineq:** Inummiit inummut tunillaassuineq silaannakkut kuseriarneeqqat, assersuutigalugu quersorneq aamma tangajorneq, aqutigalugit pisarpoq. Kuseriarnikkut tunillatsinnissaq annikillisinneqartarpoq inoqatinut qanillinaveersaarnikkut, tassa kuseriarnerit 1-2 meterip iluini nunamut nakkaasarmata.

## Malunnaatit



COVID 19-imut malunnaatit tassaakkajupput:

**Panertumik quersorneq**

**Kiaqarneq**

**Anersaartorniarnikkut akornuteqarneq**

**Toqqusaarlunneq**

**Niaqorlunneq**

**Nukinnik anniarneq**

## Tunillaassuinissamik pinaveersaartitsineq



Pingaarnerpaat ima tulleriinnilersorneqarput:

1. Inunnik malunnaatilinnik mattussineq aamma qanittumik attaveqarfigisimasani ujarlerneq
2. Quersornermi ileqqussanik, assannik eqqiluititsineq aamma attuuasassat immikkut sammillugit eqqiluisaarneq
3. Ingalassimanissaq, akulikissuseq, sivilussuseq aamma aporffit eqqarsaatigalugit attuanninnissamut annikillisaaneq

Innersuussutit ilaat ataaseq attassinnaangikkukku sinnerinik malinninnissaq immikkut ittumik eqqumaffigiuk.

## 1. Coronavirus-imik nutaamik tunillatsissimaguma qanoq pissusilersussaanga?

Malunnaatinik ersersitsisimallutit misissortinnissamut innersuunneqarsimanerit apeqqutaatinnagu imaluunniit qanittumik attaveqarfigineqarsimaguit, taava imannak iliuuseqassaait:

1. Imminut mattutissaait
2. Ingammik eqqiluisaarneq eqqumaffigiuk
3. Ingammik eqqiaaneq eqqumaffigiuk

Malunnaatinik ersersitsisimaguit, taakkulu tammarsimappata taava tiimit 48-it qaangiunneranni imminut mattusimanerit taamaatissinnaavat. Nerisassat mamaannik aamma naamannissinnaanerit piffissami sivisunerulaami atorunnaarsinnaapput, naak tunillaassuisutut isigineqanngikkualarluni. Taamaattumik malunnaatini taakku kisinggorussimappata taava imminut mattusimanerit taamaatissinnaavat.

Misissortereernerme malunnaateqanngikkuit ullut arfineq marluk tikillugit ilinnut mattusimassaait.

Peqqissuunerit uppersartinniarlugu misissorteqqissanngilatit. Nalunaaquttap akunnerini 48-ini malunnaatit takkutinnginnerat, aalajangiisuuvoq illit ilinnut tunillatsissimangitsutut isigissaguit.

### Imminut mattutissaguma qanoq isumaqarpa?

Tuniluunnissap pinaveersartinnissaanut pingaarnepaavoq, inuit coronavirus-imik nutaamik tunillatsissimasut imminnut mattunnissaat.

Ilinnut mattutissaguit tamanna ima pissaaq:

- Angerlarsimassaait, tassa imaappoq illit nammineq inigisanni imaluunniit najugaqarfivit eqqaani taamaalillutit inunnut allanut timikkut qanimut attaveqannginniassagavit. Suliartussanngilatit aamma anillutit niiverniassanngilatit. Niiverniassaguit, qimmit aneerutissagukku imaluunniit allanik pisassaqaaruit inunnik allanik ikiorteqarit. Pisiatit aggiutitissagukkit taava matuvit silataanut ilitissavatit. Allanut pulaarnissatit tamaasa taamaatikkit, paarlaallugu telefonikkut imaluunniit video atorlugu oqaloqatigikkut. Inuit COVID-19-imik tunillatsinnissamut qanittuaqqat sapinngisamik tamatigut attaviginaveersaakkit ([sst.dk/corona](http://sst.dk/corona)).

Sumiiffinni arlalippassuarni najukkami suliniuteqartoqartarpoq illit ikorfartortissatut ujtorsinnaasannik. Illit najukkanni taamaattoqarnersoq misissoruk. Aammattaaq illit "Røde Kors Corona Hjælpenetværk" oqarasuaammi 35 29 96 60-imi imaluunniit [rodekors.dk/corona/hjaelp](http://rodekors.dk/corona/hjaelp)-mi attavigisinnaavatit.

- Inuit najugaqatigisatit qanimut attaviginissaat pinaveersaaruk. Tamanna ingammik pingaaruteqarpoq inummik COVID-19-imik tunillatsinnissamut qanittuaqqamik najugaqateqaruit.

Qanimut timikkut attaveqarneq pinaveersaaruk soorlu kunissuinikkut aamma eqitaarinikkut kiisalu 2 meterit angullugit ungasissuseqarnikkut. Tutinnissaaq aamma inimi ataatsimi isersimaqatigiinnissaq piffissami sivisuumi pinaveersaaruk. Pitsaanerpaq iliuuserisinnaasat tassaaavoq perusersartarfik/uffarfik allami inissitaq atorsinnaagukku, taamaattorli inigisami ataasiinnarmik peqarpat nammineerlutit suut qaavinik eqqiaasariaqassaait, assersuutigalugu illoqatigisat allat atuinnginneranni anartarfit ingittarfiinik, errorfinnik aamma erngup kuuffinik sprit-erinikkut.

Misissortinninni tunillatsissimallutit paasineqarpat imminullu mattunnissamut inassuteqaatit qulaani nassuiarneqartut malissinnaanerlugit ernummatigalugu, Styrelsen for Patientsikkerhedip (Napparsimasut Isumannaatsuunissaannut Aqutsisoqarfik)-up ataani Corona-mik tunillatsissimasunik ujartuisartuni sulisumit siunnersorneqarsinnaavutit oqarasuaammut uunga 32 32 05 11-mut sianernikkut. Aamma illit nammineq nakorsarisat oqaloqatigisinnaavat, imaluunniit illit kommunerisannut sianersinnaallutit, taakku angerlarsimaffiup avataani pisariaqartitsinermi imminut mattunneq pillugu siunnersuisinnaammata.

Peqqinnissamut Aqutsisoqarfiup paasissutissatut atortui annertunerusumik atuakkit *[Ilnnut coronavirus-imik nutaamik tunillatsissimasumut angerlarsimaffiup avataani kajumissutsimik imminut mattunneq pillugu paasissutissat.](#)*

Imminut mattusimanagerit pisariaqavissumik unitsissagukku, assersuutigalugu napparsimaviliarnermi, taava qanermut assiaqut atussavat. Qanermut assiaqutip qanoq atorneqarnissaa pillugu uani annertunerusumik atuarit *[Peqqinnissamut Aqutsisoqarfiup quppersagaa.](#)*

### **Eqqiluisaarneq immikkut ittumik eqqumaffigissagakku qanoq isumaqarpa?**

Eqqiluisaarneq immikkut ittumik eqqumaffigissagakku ima isumaqarpoq:

- Assatit imeq qaqorsaallu atorlugit akulikitsumik asattakkit imaluunniit imeq qaqorsaallu pigineqanngippata assannut sprit-i atoruk. Assannik asattuineq aamma assannut sprit-i tamarmik ajunngillat, taamaattorli assaat takussaasumik ipeqartillugit, isugutatsillugit, perusuersareermermi, nanginnik taarsiinerup kingorna kiisalu nerisassanik passussinissaq sioqqullugu assannik asattuinnissaq tamatigut innersuussutigineqarpoq.
- Anartarfimmeereermermi, qinngavit passutereermerani aamma nerisassiornissaq sioqqullugu pingaaruteqarpoq ingammik assakkut eqqiluisaarneq. Pingaaruteqarpoq assatit tarnummik panertoornaveersaammik tanittarnissaat, taamaallutit assatit parnutinnginniassamata aamma amerluuteqalinnginniassagavit (eksem).
- Sapinngisaq tamaat kiinnat attuanaveersaaruk. Quersussaguit imaluunniit tangajussaguit kakkissarfik ataasiaannarluni atortagaq atoruk imaluunniit talivit peqittarfiinut taamaaliorit. Kakkissarfiit ataasiaannarlutik atortakkat eqqaavimmut igittassavatit matullugulu.
- Allarutinik inunnik allanik avitseqateqarnak.

### **Qanoq isumaparpa eqqiaaneq immikkut ittumik eqqumaffigissagakku?**

Eqqiaaneq akulikitsumik peqqissaartumillu immikkut ittumik eqqumaffigissagakku imannak isumaqarpoq:

- Napparsimanagerpit nalaani ini/init isersimaffigisartakkat ullut tamaasa eqqiartaruk. Eqqiaanermi atortut nalinginnaasut atukkit. Kikkut tamarmik attuasartagaannik inoqutigiinnit tamanit attuaneqartartunik, soorlu assersuutigalugu matut tiggummiviinik, majuartarfiit tiggummiviinik, innaallagamut atortunik, qarasaasiat allaffiinik, mus-inik, issiaviit ornavaffiinik, nerriviit sinaannik, pingussanik, imiup qorlorfiinik, anartarfinnik assigisaannillu ingammik immikkut ittumik eqqiaaneq pingaaruteqarpoq.

### Meeqqanut immikkut ittumik

Meeqqat amerlanerpaat COVID-19-imik annikinnerusumik atuisarput, taamaattorli aallaavittut inersimasunut innersuussutit malittussaallugit. Taamaammat meeqqat COVID-19-imik malunnaateqartut aammattaaq mattusimaneqartariaqassapput misissortillutillu, inersimasunullu tunillatsissimasunut malittarisassat atuuttut aamma malissallugit.

Malunnaatit qaangiutereerneranni tiimit 48-it tikillugit meeraq ulluunerani neqeroorutinut/ atuarfimmut ornigutsinneqassangilaq. Meeraaq malunnaateqanngippat imaluunniit malunnaateqalinngippat, misissortereernerata kingorna ulluni arfineq marlunni meeraq angerlarsimatinneqasaaq.

Inassutigineqarpoq ulluunerani neqeroorutit/atuarfik ilisimatinneqassasut, taamaalillutik meeqqanut allanut tunillatsissimaratarsinnaasunut angajoqqaajusut ilisimatinneqassammata kiisalu meeqqat misissortillutik.

Eqqumaffigissavat meeqqat isumassorneqarnissamik aamma eqitaarneqarnissamik saammarsarneqarnissamillu pisariaqartitsimmata, tamannalumi qanillinaveersaarnissamiit pingaaruteqarneruvoq. Meerarli allanit isumassornissaqanngippat taava illit pisarnittut meeqqamik isumassuissaatit, kisiannilu eqqiluisaarneq aamma eqqiaaneq immikkut ittumik eqqumaffigalugu. Tamanna atuuppoq illit meerarluunniit tunillatsissimasuuppat.

## 2. Attavigisimasanik ujaasineq

Coronavirus-imik nutaamik tunillatsissimaguit pingaaruteqarpoq inuit tamaasa piffissami tunillaassuisinnaanerpit nalaani qanimut attavigisimasatit illit tunillatsissimaninnik ilisimatissallugit. Tamanna "attavigisimasanik ujaasineramik" taaneqartarpoq, tuniluunnerullu pinaveersaartinneqarneranut pingaarutilimmik sakkuulluni.

[sundhed.dk](https://www.sundhed.dk)-imi misissortinnermit tunillanneqarsimasutut akissutisiguit, Corona-mik tunillatsissimasunik ujartuisartuni sulisumit sianerfigineqassaatit, taanna Styrelsen for Patientsikkerhedip (Napparsimasut Isumannaatsuunissaannut Aqutsisoqarfik)-up ataani immikkoortortaavoq. Taakku attavigisimasannik ujaasininni ikiussavaatsit. Illit nammineerlutit qanimut attavigisartakkannik attaveqarnissat toqqarsinnaavat, imaluunniit Corona-mik tunillatsissimasunik ujaasisartuni suleqataasumit attavigineqarnissaat toqqarsinnaavat.

Aamma illit nammineq Corona-mik tunillatsissimasunik ujaasisartut oqarasuaammi uani attavigisinnavatit 32 32 05 11.

### **Kikkut qanimut attavigisimavakka?**

Attavigisassatit tassaapput malunnaatitit takkutinnginnerini tiimit 48-it sioqqullugit aamma malunnaatit tiimit 48-it qaangjunnerat tikillugu inuit qanimut attavigisimasatit.

Inuit makku ilinnut qanittumik attaveqarsimasutut isigineqassapput:

- Inuit najugaqatigisatit
- Inuit toqqaannartumik timikkut attaveqarfigisimasatit (assersuutigalugu eqitaarinikkut)
- Inuit illersuuteqaratik aamma toqqaannartumik ilinninngaanniit qinersiniit seerisunik attaveqarsimasut (assersuutigalugu illit taakku quersorfigisimavatit imaluunniit tangajorfigisimavatit, imaluunniit kakkissarfiit atornikoq taakku attuasimavaat ilil.)
- Inuit 1 meterip iluani minutsini 15-inik sivisunerusumik "kiinnamiit kiinnamut" qanimut ilinnut attaveqarsimasut (assersuutigalugu inummik tassanga oqaloqateqarnikkut)
- Peqqinnissaqarfimmi sulisut ilinnik paaqqutarinninnermi/katsorsaanermi peqataasimasut kiisalu inassutigineqartutut illersuutinik atuisimanngitsut.

Peqqinnissamut Aqutsisoqarfup timikkut qanillinaveersaarnermut, quersornermi ileqqussanut aamma eqqiluisaarnermut siunnersuutai malissimagukkit, taava inuit arlaqanngitsunnguussapput ilinnut qanittumik attaveqarsimasutut isigineqartut.

Qanittumik attavigisat tassaagajupput illit najugaqatigisatit, kiisalu ulluinnarni sinittarfimmik, sofa-mik avitseqatigisartakkatit aamma eqitaartakkatit assigsaallu. Aammattaaq suleqatigisat aamma ikinngutit arlaqanngitsunnguut taakkuupput ungasillinnaasimanngisatit, soorlu assersuutigalugu piffissami sivisunerusumi suleqatigisat qanittuaraasimasariaqarsimagukku, imaluunniit ikinngutit ilagalugit nereqatigiinnermi qanippallaamik issiaqatigisimasat. Meeqqanut tunngatillugu assersuutigalugu ulluunerani paaqqinniffimmi/atuarfimmi aamma sunngiffimmi sammisassaqartitsinnermi imaassinnaavoq meeqqat imaluunniit inersimasut allat qanippallaarsimasat, assersuutigalugu 1 meterimik qaninnerusumik minutsinillu 15-inik sivisunerusumik attavigisimasat imaluunniit pinnguaqatigisimasat.

Sulinermut tunngatillugu amerlanerpaatigut qanippallaamik attaveqartoqarneq ajorpoq taamaalilluni qanittumik attavittut isigineqarneq ajorlutik. Suleqatit assersuutigalugu napparsimavimmi immikkoortortaqarfimmi, utoqqaat illuni imaluunniit allaffimmi, piffissamilu ataannartumi minutsit 15-nit inorlugit aamma 1 meterimiit qaninnerusimanngitsut, qanittumik attaveqarfigisimasatut isigineqarneq ajorput.

### **Qanittumik attaveqarneq piffissami qaqugukkut pisimasinnaava?**

Malunnaateqanngikkuit kiisalu misissortinninni tunillatsissimasutit paasineqarpat, taava misissortinnerit tiiminik 48-inik sioqqullugu aamma misissortereerninnit ullut arfineq marluk tikillugit qanittumik attavigisimasatit attavigissavatit.

Inuit kingullermik ullut 14-it sinnerlugit qanittumik attavigisimasatit, qanittumik attavigisatut isigineqarneq ajorput.

### **Qanittumik attavigisakka sunik paasitineqassapat?**

Pingaaruteqarpoq qanittumik attavigisimasatit attavigissagakkit tassami tunillassimasinnaagakkit – aamma piffissani tamatumani ilagiinnissinni malunnaatinik ersersitsisimannigikkaluaruilluunniit.

Qanittumik attavigisimasatit ilisimatissavatit taakku aamma coronavirus-imut nutaamut misissortittariaqassasut kiisalu misissortereernerup tungaanut allaniit imminnut mattusimasariaqassasut.

Illit aamma qanittumik attavigisatit qanittumik attavigisatut qanoq pissusilersussanerlutit annertunerusumik atuarsinnaavusi uani *linnut inummut coronavirus-imik nutaamik tunillatsissimasumut qanittumik attaveqarsimasumut*, paasissutissanik qanittumik attaveqarsimasumut qanoq ililluni misissortittoqar-tarneranut aamma akissutisinissap tungaanut qanoq pissusilersortoqarnissaanik imaqartut.

Qanoq pissusilersornissaq qanittumik attaveqarfigisimasavit nalornissutigippassuk taava taakku Corona-mik tunillatsissimasunik ujaasisartunut oqarasuaammi uani 32 32 05 11-mi attaveqarsinnaapput.

### **Appi smitte|stop atorlugu attavigisimasanik ujaasineq**

Inuit ilisarismanngisatit imaluunniit paasissutissanik peqarfiginngisatit qanittuaraallugit ilagisimasinnaavatit, taamaattumillu illit coronavirus-mik nutaamik tunillatsissimaninnik ilisimatissinnaanagit. Tassaasinnaavoq inuk bussimi issiaqatigisimasat imaluunniit aaqqissuussinermi qanittuaraallugu nikorfaqatigisimasat.

Appi smitte|stop atortuuvoq digitaliusoq, pisariitsumik aamma kinaassutsimik ilisimatitsinngikkaluarluni inunnik ilinnut qanittuaraasimasunut kalerriisinnaasoq, soorunami taakku appi aamma pigippassuk. Appi pillugu annertunerusumik uani atuarsinnaavutit [smittestop.dk](https://smittestop.dk) aamma App Store-mi imaluunniit Google Play Butik-imi aasinnaavat.

## **3. COVID-19-imik nappaateqarneq pillugu**

### **Napparsimanerup nalinginnaasumik ingerlasarnera**

Coronavirus-imik nutaamik tunillatsinnermiit ullormit siullermiit ullut 14-it ingerlaneranni malunnaatit ineriartortarput, amerlanerpaallu ullut 5-6-it qaangiunneranni malunnaatinik ersersitsisarlutik. Napparsimalernerup aallartinneranut annikinnerusumillu atuutilersimaneranut malunnaatit tassaakkajupput nualluuteqarnernut allanut assingusut aamma anersaartorniarnikkut akornuteqarneq kiaqarnikkut, panertumik quersornikkut aamma qasujallinikkut ersersitsisartut. Malunnaatit allat siusissukkut qaqutigoornerulaartulli takkuttut tassaasinnaapput ilaatigut niaqorlunneq, nukinnik anninarneq, toqqusaarlunneq, meriannguneq, nerisassat mamaannik aamma naamasinnaassutsimik annaasaqarneq assigisaallu. Tamakku COVID 19-imik annikinnerusumik malunnaatit nuannermiit imaluunniit nuallunnermiit COVID-19-imit allaasumit peqquteqartunit immikkoortinneq ajornakusoortarput.

Amerlanerpaat annikinnerusumik napparsimasarput, nakorsamillu ikiorneqarnissartik pisariaqartissanagu. Malunnaatit inummiit inummut assigiinneq ajorput, assersuutigalugu kiaqannginneq imaluunniit kiaqarneq COVID-19-eqannginnernermut pissutaatinneqarsinnaanatik.

Inuit ilaat nalinginnaasumik ullut 4-7-it qaangiunnerini napparsimanerulersarput, quersornerujussuann-gorlutik kiaqarnerujartorlutillu aamma anersaartorniarnikkut ajornartorsiornerulerlutik, ilaallu puammikkut nuffersoortarlutik napparsimavimmut unittariaqalernermik kinguneqarsinnaasumik.

### **COVID-19 katsorsarneqarsinnaavaa?**

Coronavirus-imorluinnaq katsorsaateqanngilaq, kisianni malunnaatit millisinniarlugit arlalinnik iliuuseqarsinnaavutit:

- Imerluartarit, ingammik annertuumik kiaqalersimaguit.
- Nukinnik anniarnit, niaqorlunneq aamma kiaqarneq paracetamol-inik millisarneqarniarsinnaapput (assersuutigalugu Panodil-it).
- Toqqusaarlunneq sukkuuqqanik aamma milluartaqqanik annikillisinneqarniarsinnaavoq.

### **Qaqugukkut aamma qanoq nakorsaq attaveqarfigissavara?**

COVID-19-imik napparsimaguit, malunnaatit pilertortumik imaluunniit ullut arlallit ingerlanerini ersarissigaluttuinnarpata, soorlu kiaqarujussualermermi, anersaartorniarnikkut akornuteqalernerimi, anniarnermi imaluunniit iluaagusunnermi nammineq nakorsarisat attavigissavat.

Ammasarfup avataatigut nakorsamut pigaartuusumut imaluunniit nunap immikkoortuani pinartoqartillugu sianerfissamut sianissaatit.

Pingaarteqarpoq eqqaamassallugu nakorsaq tamatigut attavigisinnaagakku, aamma COVID-19-imit allaanerumik nappaateqarnissat ernumagigukku. Tamanna aamma meeqqanut atuuppoq.

### **Tunillanneqarsinnaajunnaassaanga?**

Maannakkorpiaq ilisimavarput inuit amerlanerpaat nappaammut timiminni illersuusiortartut, kisianni qanoq annertutigisumik aamma qanoq siviutigisumik taanna atuussinnaanersoq sulii ilisimaneqanngilaq. Tunillanneqarsinnaanngissutsip aalajangernissaanut sulii tutsuviginartumik misissuuteqanngilagut.

COVID-19-eqareernerpit kingorna peqqissiguit allatuulli pissusilersussaait, tassa imaappoq siunnersuutit nalinginnaasut sulii malissagakkut, COVID-19-eqarsinnaanermut malunnaateqaruit misissortissagavit, attavigisimasanik ujaasinermi assigisaannullu peqataassagavit il.il.

### **Imminut mattusimaneq qanoq anigussavara aamma ernummatit qanoq passutissavakka?**

Silarsuarmut avatitsinnut mattusimaneq erloqinarsinnaavoq. Siunnersuutit makku ikiorsinnaavaatsit:

- Qarasaasiat atorlugit inuit attaveqatigiittarfii, oqarasuaatit aamma video-kkut oqaluussinerit atorlugit silarsuarmut attaveqarsinnaaneq atorluaruk.
- Sunngiffimmi sammisaqarnikkut, atuarnikkut, ikkussortakkanik ilioraanikkut allatigullu aallussinissamik pisariaqartitsisut ilinnillu nuannaartitsisut atorlugit qaratsat eqeersimaartiguk.
- Qasoqqavallaanngikkuvit sapinngisamik ilinnut suliaqartigit. Timivit aalatinnissaa sapinngisamik pingaartiguk, assersuutigalugu nikueqattaarnikkut imaluunniit natermi sungiusaatit atornerisigut.
- Ullup unnuallu nalinginnaasup atornissaa sapinngisamik maliguk.
- Allanngueqataanerit aamma inuiaqatigiinnut maligassiuinerit angerlarsimanikkut takutiguk. Taamaalillutit inuiaqatigiinni tuniluunnermik pinaveersaartitsinerimut aamma inunnik sakkortunerumik aarlerinartumiittunut illersueqataassaait.



Coronavirus-imik nutaamik tunillanneqarsimanermik ilisimatinneqarnermi nalinginnaavoq ernummateqalersarnej.

Siunnersuutit makku ikiorsinnaavaatsit:

- Annertuumik ernummateqaruit nakorsarisat oqaloqatigiuk. Nappaateqarlutit katsorsartittuuguit kiisalu COVID-19-mik tamanna sunnerneqarsinnaanersoq nalornissutigalugu taava nakorsarisat imaluunniit illit katsorsartinninni napparsimavimmi immikkoortortaak akisussaasoq attavigiuk.
- Eqqaamajuk nappaat amerlanerpaanit atupilorneqarneq ajormat, kiisalu maani uagut Danmark-imi pikkorissunik nakorsaqqaratta aamma peqqissaasoqqaratta illit atorfissaqqartilerukku ikiuussinnaasunik.
- Oqartussat inassuteqaataat ajunngitsumik malissimallugit ilinnut eqqaasittarit.
- Coronavirus-imik nutaamik tunillatsissimanerit pillugu ilinnut allanulluunniit pisuutitseqinak. Eqqaamallugu nappaat virus-imik pissuteqarmat inunniunngitsok, kiisalu coronavirus nutaak tunillaassuutiasorujussuummat.
- Ernummatitit niaqqunnit katatsissinnaanngikkukkit kiisalu ulluinaat sunnersimappagu taava COVID-19-imik nappaassuup atuunnerata nalaani ernummateqarnerup qanoq iliuuseqqarfiginissaanik Peqqinnissamut Aqutsisoqqarfiup siunnersuutitsialaani qanoq ikiorneqqarissat nassaarisinnaagakku. Tamakku uani nassaarisinnaavatit [sst.dk/corona](https://sst.dk/corona).

Meeqqat aamma COVID-19 pillugu apeqqutissarpassuaqqarsinnaapput. Ernummataaratarsinnaasut pillugit meeqqat oqaloqatiginissaat pingaaruteqqarpoq. Peqqinnissamut Aqutsisoqqarfiup nittartagaani uani [sst.dk/corona](https://sst.dk/corona) siunnersuutit arlalissuit aamma filmeeqqat nassaarisinnaavatit meeqqavit qanoq oqaloqatiginnaanera pillugu.

## 4. Annertunerusumik paasissutissat

Nappaatit pillugu apeqqutissaqqaruit nakorsarisat sianerfigiuk.

Attavigisimasanik ujaasisartunik imaluunniit misissortinnissamut apeqqutissaqqaruit oqarasuammot uunga sianerit **32 32 05 11**.

Allanik apeqqutissaqqarnermi oqartussat ataatsimoorussamik oqarasuaataanut uunga oqarasuammot **70 20 02 33**-imut sinersinnaavutit.

COVID-19-imut malunnaatinik ersersitsisimaguit misissortittussanngorlutillu tamanna pillugu annertunerusumik paasissutissatut atortut atuarsinnaavatit [Ilinnut COVID-19-imut malunnaatinik ersersitsisimasumut](#)

Coronavirus-imik nutaamik tunillatsissimasumut qanittumik attaveqqarsimaguit tamanna pillugu annertunerusumik paasissutissatut atortuni atuarsinnaavatit [Ilinnut coronavirus-imik nutaamik tunillatsissimasumut qanittumik attaveqqarsimasumut](#)

Coronavirus nutaak aamma COVID-19 pillugit annertunerusumik uani atuarsinnaavutit [sst.dk/corona](https://sst.dk/corona).